



Albies i Bogaerts ganadó 'Silver Slugger Award'



Fanátikonan di deporte, ke tal. Deseo di un felis día pa tur nos lektornan. Djis tene kuenta ku rápidamente nos a galopá yega den e di dos fin di siman di luna di novèmber 2019.

Meday'i Oro

Bueno, despues di Andrelton Simmons tòg ainda ta bin algun premio pa nos peloteronan. Tantu Kòrsou komo Aruba por ta kontentu ku e distinshon di Silver Slugger pa Albies i Bogaerts, respetivamente.

Meday'i Oro

E hóben di Koraal Specht estando aki na kas lo a keda informá ku el a gana e premio komo e mihó 2da base ofensivo di Liga Nashonal. Sin duda un premio bon meresi despues di un tremendo temporada. Por sierto ku tres hungadó di Braves a risibí e premio aki.

Meday'i Oro

Si nos no ta robes, ta promé premio grandi pa Albies. Manera el a presta e temporada ku ta tras di lomba, tur kos ta indiká ku e hóben aki lo sigui krese. Na momento ku a kere ku tur e komentarionan relashoná ku su kontrakt lo a afekt'é, a resultá lo kontrario. Ta parse ku el a bira mas fuerte.

Meday'i Oro

Bogaerts un biaha mas komo e mihó shortstop ofensivo di Liga Amerikana. Ayera nos tabatin un relato interesante riba e pelotero arubano, ku segun hopi hende mester tabata un dje kandidatonan pa MVP di American League e aña'ki.

Meday'i Oro

E arubano tabatin un super temporada, sifranan impreshonante i komo tal ta hopi great ku e ta bolbe gana e Silver Slugger Award.

WILLEMSTAD.- Ozhaino "Ozzie" Albies (Braves) a gana Silver Slugger Award komo mihó 2da base ofensivo di National League. Den American League, e arubano Xander Bogaerts (Red Sox) ta risibí e distinshon komo e mihó shortstop ofensivo. Ayera MLB a hasi menshon dje ganadónan di Silver Slugger Award, ku ta keda duná den tur dos liga na e mihó hungadó ofensivo na kada posishon. E votashon ta den man di manager- i coachnan di ekiponan di MLB.

E ganadónan na tur e posishonnan ta komo siguiente.

Outfield

AL: George Springer, Astros; Mookie Betts, Red Sox; Mike Trout, Angels.

NL: Ronald Acuña Jr., Braves; Cody Bellinger, Dodgers; Christian Yelich, Brewers.

Primera base



...Xander Bogaerts...

AL: Carlos Santana, Indians
NL: Freddie Freeman, Braves.

Segunda base

NL: Ozzie Albies, Braves
AL: DJ LeMahieu, Yankees.

Shortstop

AL: Xander Bogaerts, Red Sox

NL: Trevor Story, Rockies.

Tersera base

NL: Anthony Rendon, Nationals
AL: Alex Bregman, Astros.

Kècher


AL: Mitch Garver, Twins
NL: J.T. Realmuto, Phillies.

Pitcher

Zack Greinke, D-backs.

Batidó designá

Nelson Cruz, Twins.



...Ozzie Albies...

Bista ta riba Bogaerts komo esun ku lo bira e strea grandi di Red Sox. Den temporada 2019 ya el a demostrá kiko por spera di dje pa próximo temporadan.

Meday'i Oro

Konseho di Minister a risibí nos sòftbolistanan kampion suramerikano. Ta hopi dushi di tuma nota ku mandatarionan ta pone atenshon na prestashon grandi di nos hóbenan deportista. Esaki sin mas ta algu dushi, algu ku ta kai den bon tera i ta un estímulo pa deportistanan.

Meday'i Oro

E hóbenan ta mere-sé e atenshon i e rekonosimentu despues di a trese Kòrsou bèk riba mapa pa loke ta trata sòftbòl femenino. Ta sigui selebrá, pero pareu ku esei mester kuminsá plania kon pa sigui. A keda demostrá ku e talentonan tei, tin direkshon i awor mester sigui konstruí riba e lokual tin.

Meday'i Oro

Nos a drenta un fin di siman di bastante aktividat di deporte, entre kua apertura di kampionato di FFK i esaki tantu hubenil komo 1e divishon. Pues bala ta bai lora den kabamentu di aña.

Meday'i Oro

Pa kada smak tin algu di hasi e fin di siman aki. Manera semper nos ta bisa, bai deporte i esnan ku tin yu, hiba e muchanan pa mira i pa nan siña apresiá nos deportistanan. Gosa di e fin di siman i nos lo tei bèk djaluna ku Dios ke.

Meday'i Oro

Nos quote pa awe: "Sea ta amistad òf relashon, tur kos ta keda konstruí riba konfiansa. Sin konfiansa, bo ta pará na punto sero".